

洪範政鑒

洪範政鑒卷第三之上

火行上

傳曰棄法律鄭康成曰東逐功臣功臣制

律者或曰咏主尚食七星主衣裳張為食

古人之象日月星辰山龍華蟲作五宗彛藻

火於未黼黻絺繡以五聲八音在治忽以出納

五言汝聽是則食與服樂百之所用為大功

七星北有酒旗南有殺太子鄭康成曰五行

以妾為妻鄭康成曰軒轅為后妃為南宮其

之則火不炎上鄭康成曰君行此四者為火

火性炎然上行人所不用烹飪者也無故因兒作

又曰視之不明是謂不哲鄭康成曰哲明也

能事厥咎舒鄭康成曰舒怠目下有倦白黑不別

賢不肖並不能憂民急厥罰常燠鄭康成曰

氣為之針緩草不搖厥極疾鄭康成曰長氣時則有

草妖鄭康成曰草視之物時則有羸蟲之孽

鄭康成曰益螟之類生於火而藏於秋者時

則有羊禍鄭康成曰羊畜之時則有目病時

則有赤青赤祥惟水沴火說曰火南方揚光

輝為明者也其於王者南面嚮明而治書云

知人則哲能官人

顏師古曰虞書皋陶謨之辭哲智也能知其材則能

以官之所為智

故堯舜舉羣賢而命之逮四佞而放

諸野孔子曰浸潤之譖膚受之愬不行焉可

謂明矣

顏師古曰浸潤言積漸也膚受謂初入皮膚以至骨髓

賢佞分

別官人有序帥由舊章恭重功勲殊別嫡庶

如此則火得其性若迺信道不篤或耀虛偽

讒夫昌邪勝正則火失其性自上而降及濫

災妄起。焚宗廟。燒宮館。雖興師衆。不能救也。是爲火不炎上。視之不明。是謂不哲。哲。知也。

詩云。爾德不明。以無陪。無卿。不明爾德。以無

背。無仄。類。師古曰。大雅蕩之詩也。言不別善惡。有逆背。傾仄者。有堪爲卿大夫者。

皆不言上不明。暗昧蔽惑。則不能知善惡。親

近習長同類。類。師古曰。近狎者。則親之。無功者。愛之。同類者。則長益之。

受賞有罪者。不殺百官。廢亂失在舒緩。故其

咎舒。盛夏日長。暑以養物。政弛緩。故其罰常

煥。煥。則冬溫。春夏不和。傷病民人。故極疾。誅

不行則霜不殺草由臣下則殺不以時故有
草妖凡妖貌則以服言則以詩聽則以聲視
則以色五色物之大分也在於青祥故聖人
以爲草妖失秉之明者也顏師古曰謂溫燠
失所執之權生蟲故有羸蟲之孽謂螟螣之類當死不死
未當生而生或多於故而爲災也劉歆以爲
屬思心不睿於易剛而包柔羊爲離離爲火爲
目羊上角下蹠剛而包柔羊大目而不精明
視氣毀故有羊禍一曰暑歲羊多疫死及爲

怪亦是也。及人則多病目，故有目病火色赤。

故有赤青赤祥。凡視傷者，病火氣。火氣傷則

水沴之，其極疾者順之，其福曰壽。李奇曰：於六極之中，

為疾者，逆火氣，致疾痛也。又曰：有羽蟲之孽，

能順火氣，則禍更為福。雞禍，說以為於天文南方喙為鳥星，故為羽

蟲禍，亦從羽，故為雞。雞於易自在巽，說非是。

火不炎上。

京房曰：君不思道，厥秋火燒宮，上不儉，下不

節，孽火數起，燔宮室。又曰：君高其臺，天火為災。

魯桓公十四年八月壬申御廩災左丘明曰
天火曰災人火曰火公羊高曰御廩者粢盛
委之所藏也先是龍門之戰死傷者衆桓無
惻痛於民之心君臣俱惰內怠政事外侮四
鄰非能保守宗廟者也劉向曰御廩夫人八
妾所舂米之藏以奉宗廟者也時夫人有邪
行挾逆心故天戒之劉歆曰御廩公所親耕藉
田以奉粢盛者也棄法度亡禮之應
莊公二十年齊大災劉向曰齊桓以妾爲妻

適庶數更故致大災桓公不寤及沒適庶分
爭九月不得葬董仲舒曰魯夫人失行於齊
國君民之父母夫婦生化之本本傷末夭故
天災所子也

李奇曰以疾疫殺其民人

釐公二十年五月西宮災穀梁赤曰愍公宮也
劉向曰釐立妾母爲夫人以入宗廟天災若
曰去其卑而親者將害宗廟之正禮也

宣公十六年夏成周宣榭火

類師古曰左丘

明曰宣榭講武之坐屋也穀梁赤曰宣榭主

之榭以樂器之所藏目之也。劉向曰：十五年王札子殺召伯、毛伯，天子不能誅，天戒若曰：不能行政令，何以禮樂爲？而藏之，故災。

成公三年二月，新宮災。

杜預曰：宣公神主公入新廟，故謂新宮。

羊高曰：謂之新宮，不忍言也。其言三日哭者，禮也。此象宣公篡立，當誅絕，不宜列昭穆。成公幼少，臣威犬重，結怨彊齊，將不得承宗廟之應。

襄公九年春，宋災。劉向曰：宋公聽讒，遠其大夫。

華弱之應時宋以樂喜為司城為政

杜預曰樂喜子罕也

使伯氏司里

杜預曰伯氏宋大夫司里宰

火所未至徹小

屋塗大屋陳畚揭具綆缶

杜預曰畚黃蘗揭土韋綆汲索缶汲

器華音切備水器量輕重蓄水潦積土塗廵丈

城繕守備表火道令司宮巷伯徹宮祝宗用

馬于四墉祀盤庚于西門之外

杜預曰用馬祭于四城以

棟火盤庚商王宋之遠祖城積陰之氣故祀之晉侯問於士弱曰吾

聞之宋災於是乎知有天道士弱曰古之火

正或食於心或食於味以出內火故味為鶻

火心為大火杜預曰謂火正之官配食於火

則令民放火建成之月大火星陶唐氏之火

正閼伯居商丘杜預曰商丘主辰在宋地祀

大火而火紀時焉相土因之故商主大火杜預

曰相土契孫商之祖也始商人閱其禍敗之

釁必始於火是以知其有天道公曰可必乎

曰在道國亂無象不可知也杜預曰國無道

不可必知賢君見變能脩道以除凶

三十年五月宋災董仲舒曰伯姬如宋幽居

守節三十餘年。又憂傷國家之患。積陰生陽。故火生災。劉向曰。先是宋公聽讒。殺太子痤。皆火不炎上之應。

昭公六年六月。鄭災。是春鄭人鑄刑書。

杜預曰。鑄

刑書於鼎。叔向謂子產曰。先王議事以制。不為刑

辟。懼民之有爭心也。

杜預曰。臨事制刑。不豫設法。法豫設。則民知爭。

端。猶不可禁禦。今吾子相鄭國。作封洫。立謗

政。

杜預作丘賦曰。

制參辟。鑄刑書。將以靖民。不亦難

乎。終子之世。鄭其敗乎。及是。士文伯曰。火見

鄭其火乎

杜預曰火心星也周五月昏見

火未出而作火以

鑄刑器藏爭辟焉火而象之不火何爲班固

曰火星出於周五月而鄭以三月作火故火

星出與五行之火爭明爲災又棄法律之應也

九年四月陳火董仲舒曰陳夏舒殺君楚莊

王託欲爲陳討賊陳國關門待之至因滅陳

陳臣子尤毒恨甚極陰生陽故致火災

十八年五月壬午宋衛陳鄭災董仲舒曰象

王室將亂天下莫救故災四國言無四方也

又四國之君皆荒淫於樂不恤國政與周宣
同行陽失節則火災出故同日災是火也四
國使行人告於諸侯陳不救火許不平災君
子以是知陳許之先亡

定公二年五月壬辰雉門及兩觀災

杜預曰雉門

宮南門也董仲舒曰此皆奢侈過度也先是

季氏逐昭公昭公死於外定公即位不能誅
季氏又用其邪說近於女樂而退孔子天戒
若曰去高顯而奢侈者一日門闕號令所由

出也。今舍大聖而縱有臯，無以出號令矣。

哀公三年五月辛卯，桓僖宮災。劉向曰：此二

公不當為禮者也。時孔子在陳，聞魯災，曰：其

桓僖之宮乎？杜預曰：言桓僖親盡而以為桓

季氏所出，僖使季氏世卿者也。

四年六月辛丑，亳社災。杜預曰：亳社，商社。諸侯有之，以戒亡國。

劉向曰：亡國之社，揜之，揜其上而柴其下，天

戒若曰：國將危，不用戒矣。

漢高后元年五月，趙王宮叢臺災。劉向曰：時

呂氏女為趙王后，嫉妬，將為讒口以害趙王。王不寤，卒見幽殺。

惠帝四年十月，未央宮凌室、織室災。劉向曰：元年呂后殺趙王如意，殘戮其母，是歲太后帝立姊魯元公主女為皇后，凌室所以供養飲食，織室所以奉宗廟衣服。天戒若曰：皇后無奉宗廟之德，將絕祭祀，卒幽廢。

文帝七年六月，未央宮東闕罌罌災。

顏師古曰：罌，罌也。

連闕也。

劉向曰：東闕朝諸侯之門，罌罌在外。

諸侯象也。漢興大封諸侯王，賈誼以爲違古制度，必將叛。其後吳楚七國舉兵誅。

景帝中五年八月，未央宮東闕災。先是栗太子廢爲臨江王，以罪自殺。丞相周亞夫以不合旨免，後二年下獄。

武帝建元六年，遼東高廟災。又高園便殿火，董仲舒曰：「高廟不當在遼東，高園殿不當在陵旁，禮不當立，故燔災之，此天意也。」

昭帝元鳳元年，燕城南門災。劉向曰：「時燕王

使邪臣通於漢爲讒賊謀不軌南門者通漢道也。天戒若曰：邪臣往來爲姦讒於漢，絕亡之道。燕王不寤，卒伏辜。

四年五月，孝文廟正殿災。先是，后祖父上官桀謀不軌，霍光誅之。及昭帝晏駕，無嗣，光執朝政。九年，不歸政，將爲國害，故災見。

元帝初元三年四月，茂陵白鶴館災。劉向曰：是馳逐走馬之館，不當在山陵昭穆之地。天戒若曰：貴近逸遊不正之臣，將害忠良。後石

顯許章譖死蕭望之周堪逐功臣之應未幾
章坐走馬上林下獄免官

永光四年六月孝宣杜稷園東闕災劉向曰
先是上復周堪張猛而石顯又譖毀外遷終
欲害之園陵小於朝廷闕在司馬中內臣石
顯之象也孝宣親而貴門闕法令所從出也
天戒若曰去法令內臣親而貴者必爲國害
後堪猛被誣成帝即位顯卒伏辜
成帝建始元年正月皇曾祖悼考廟災初宣

帝爲昭帝後而立父廟於禮不正是時王鳳
擅朝將害國家故天見其象其後五將世權
遂以亡道

類師古曰謂王五大
司馬鳳音商根莽也

鴻嘉三年八月孝景廟北闕災是冬許后廢
永始元年正月太官凌室戾后園南闕並災
時趙飛燕幸許后既廢上將立之故天見象
於凌室戾后衛太子妾遭巫蠱之禍宣帝追
加尊號於禮不正又戾后起於微賤天戒若
曰微賤亡德之人不可以奉宗廟將絕祭祀

有凶惡之禍至其後趙后姊妹嬌妬賊害皇子卒受誅

四年四月長樂宮臨華殿未央宮東司馬門皆災六月霸陵園門闕災長樂宮成帝母王后所居也未央宮帝所居也霸陵太宗盛德

園也是時王后三弟相續秉政

顏師古曰王鳳王音王商

代為司馬

大舉宗居位將害國家故天象仍見其

後莽有覆國之禍

哀帝建平三年正月桂宮正殿火帝祖母傳

太后所居時傳欲與成帝母尊號齊尊大臣
孔光師丹執政以爲不可太后皆免官稱尊
號是年哀帝晏駕傅氏誅

平帝元始五年七月高帝原廟殿門災高帝
廟在長安城中後以叔孫通譏復道故復起
原廟於渭北非正也時平帝幼王后臨朝委
任王莽將篡絕漢隳宗廟故天象見是冬平
帝晏駕明年莽居攝因篡國

洪範政鑒卷第三之上

洪範政鑒卷第三之下

火行上

光武建武中，漁陽太守彭寵被召，明日潞縣火災起，城中飛出城外，燔千餘家，殺人。說者曰：火以明爲德，而主禮。時寵與幽州牧朱浮有隙，疑浮見譖，遂叛，卒誅。蓋失禮之應。

和帝永元十三年八月，北宮威饌門閣火。時帝幸鄧貴人，陰后寵衰，上有欲廢之意。會得陰后挾僞道事，遂廢桐宮，立鄧爲后。此妾爲

妻之應

安帝永初二年四月漢陽城中失火燒殺三千五百七十人先是和殤晏駕和之子勝有疾不篤羣臣欲立之太后更立清河王子是爲安帝司空周章等謀誅鄧氏廢安帝更立勝是年事覺被誅

元初四年二月武庫火時羌叛大爲寇害發天下兵攻禦之積十餘年未已天下厭苦兵役延光元年八月陽陵園寢殿火凡災發于先

陵此太子將廢之象。若曰不當廢太子以自
翦如火不當害先陵也。明年帝以讒言廢皇
太子。

順帝永建三年七月丁酉茂陵園寢災。又恭
陵東西莫府災。李固曰此奢侈所致。是陵初
造廣治尤飾。帝欲更造宮室益臺觀。故火起
莫府燒材木。

永和元年十月承福殿災。時爵號阿母宋娥
爲山陽君。梁商父子封爵過差。皆非禮之應。

桓帝建和二年五月北宮掖庭中德陽殿火
先是梁太后兄冀挾姦枉誣誅李固杜喬其
後梁氏誅滅

延熹四年五月原陵長壽門火先是亳后因
賤人得幸為后封其母為長安君兄弟受寵
多封無功以妾為妻之罰也

八年十一月德陽前殿西閣及黃門北寺火

殺人

劉昭曰時連月有火災諸官寺或一日

智茂上疏曰古之大皆君弱自溫極陰之變

也前始春而獄刑慘故火不炎上唯善政可

以已之疏
奏、不省

九年三月癸巳京都夜有火光轉行民相驚
譟時近侍專朝鉤黨事起朝廷無嗣又害陳
蕃竇武天下無復紀綱

靈帝光和四年閏月北宮東掖庭永巷署災
陳蕃曰昔楚女悲西宮災此不御宮女怨所致
中平二年二月南宮雲臺災棖題數百同時
被然若挂華鐙又樂城門災延及北闕道燒
嘉德和歡殿案雲臺周家所造圖書術籍珍

玩寶怪所藏時黃巾作慝百姓死傷過當帝
曾不克己虐侈滋甚政以賄成天戒若曰放
賢賞淫何以舊典爲故焚其臺門祕府未幾
董卓之亂京都丘墟

魏明帝太和五年五月清商殿災初帝爲平
原王納虞氏爲妃及即位不以爲后更立典
虞車工卒毛嘉女爲后此以妾爲妻之罰
青龍二年四月崇華殿災延于南閭繕復之
至三年七月此殿又災帝問高堂隆祈禳之

義隆曰災變之發所以明教誡惟率禮脩德
可以勝之此人君苟飾宮室百姓空竭故以
旱火又災火之發皆以臺榭宮室爲誡今宜
罷散作役務節約帝不從遂復崇華殿改曰
九龍多棄法度疲衆逞欲之應

吳孫亮建興元年十二月武昌端門災改作
端門又災案殿門號令所出殿者聽政之所
時諸葛恪執政矜慢放肆孫峻總禁旅又險
害武昌孫氏尊號所始天戒若曰宜除貴要

之首者。後亮被廢。

或曰。孫權毀徹武昌。以增太初宮。諸葛恪有違都憲更。

起門殿事非時。故見災。

太平元年三月。建鄴火。時孫綝執政。矯以亮詔殺呂據。滕嗣。明年又殺朱異。棄法律。逐功臣之罰也。

孫休永安六年十月。石頭小城火。燒西南百八十丈。時嬖人張布專擅國勢。多行無禮。斥韋昭盛冲。又遣內史驚擾州郡。致交阯寇叛之應。

孫皓建衡二年三月大火燒萬餘家死者七
百人時皓制令詭暴蕩棄法度勞臣名士誅
斥甚衆後宮萬餘女謁數行之應

晉武帝太康十年四月崇賢殿災十月含章
鞠室脩成堂前廡景坊東屋暉章殿南閣火
時楊珧兄弟三公並在大位天變屢見帝又
納馮統之間廢張華聽楊駿之讒離衛瓘此
逐功臣之罰也明年宮車晏駕其後楚王承
竊害華瓘

惠帝元康五年閏月庚寅武庫火累代異寶
王莽頭孔子履漢高祖斷白蛇劍及二百萬
器械一時蕩盡此愍懷見殺之罰天戒若曰
設險擊柝所以固其國儲積戎器所以戒不
虞今冢嗣將傾社稷將泯禁兵無所復施帝
后不悟終喪四海張華曰武庫火氏羌叛
八年十一月高原陵火時賈后凶恣賈謐擅
朝惡積罪稔宜見誅絕天戒若曰臣妾之不
可者雖親貴莫比猶宜忍而誅之帝旣眊弱

后遂與謚殺太子

永康元年納皇后羊氏后將入宮衣中忽有
火後成都王廢后處金墉城還立復廢者四
卒賜死憂逼折辱終古未聞此孽火之應
永興二年七月尚書諸曹火起延崇禮闈及
閣道案百揆王化之本王者棄法律之應後
清河王覃入嗣不終於位又殺太子之罰
懷帝永嘉四年十一月襄陽火燒死者三千
餘人時王如攻略郡縣此下陵上陽失節之應

元帝太興中王敦鎮武昌武昌火起東西
南北數十處俱應數日不絕于寶曰此臣而
君行元陽失節敦陵上無君故災

明帝太寧元年正月京都火時王敦威侮朝
廷多行無禮內外臣下咸懷怨毒極陰生陽
之應

穆帝永和五年六月震災石季龍太武殿及
兩廟端門震災月餘滅金石皆盡其後季龍
死遂滅

海西公太和中會稽大旱災火燒數千家延及山陰倉米數百萬斛此相溫彊盛將廢海西極陰生陽之應

孝武寧康元年三月京都風火大起時相溫入朝志在陵上人懷憂恐之應

太元十年正月國子學生因風放火焚房百餘間時考課不厲賞黜無章有育才之名無收賢之實此不哲之罰也

十三年十二月延賢螽斯則百堂及客館驃

騎府庫皆災。時朝多弊政。會稽王道子寵幸
尼及妯母。各樹出入宮掖。禮見人主。天戒若
曰。登延賢堂。及客館者。多非其人。故災之也。
又孝武不立皇后。寵幸微賤。張夫人。夫人驕
妬。皇子不繁。乖螽斯則百之道。故災其殿。
安帝元興元年八月庚子。尚書下舍曹火。時
栢靈寶遙錄尚書。故天火示不復居之。
義熙十一年。京都所在火災。吳界尤甚。時王
洪爲吳郡。晝在聽事。見有一赤物自天下。狀

如信幡遙集路南人家屋火即大發洪知天
災故不罪火主此帝室衰微之應

梁武帝天監元年五月盜入南北掖燒神武
門總章觀時帝即位火燒觀闕不祥之甚既
而昭明太子薨皇孫不得立又帝暮年惑於
朱异果有侯景之禍宮室多被焚燒

普通二年五月琬琰殿火延燒後宮三千餘
間時帝崇尚佛道宗廟麋牲委萬乘之重詣
同泰寺捨身爲奴天戒若曰帝爲國主不遵

先王之法惑於佛道橫多糜費將使社稷不
得血食後果亡國及江陵之敗闔城爲賤隸
東魏孝靜天平二年十一月閭闔門災時齊
神武作宰聽讒殺樊子鵠逐功臣之罰也
後齊後主天統三年九龍殿災延燒西廊四
年昭陽宣光瑤華三殿災時讒言任用正士
道消誅斛律明月讒夫昌邪勝正之應也
隋文帝開皇十四年祠太山令使者致石像
未至數里野火歟起燒像碎如小塊時帝信

讒言猜阻骨肉，滕王瓚失志而死，創業功臣多被夷滅。其後太子勇果被廢戮。

煬帝大業十二年，顯陽門災，舊名廣陽，則帝之姓名，國門崇顯，號令所由出。時帝不遵法度，驕奢荒怠，虞世基以阿諛進，宇文述以讒邪顯。忠諫者誅，天戒若曰：信讒害忠，則除廣陽也。

唐則天證聖元年正月，明堂火，京城如晝。此廢太子爲廬陵王之罰也。

明皇開元五年，洪潭二州災，火延燒郡舍。郡人先見火精，瞰瞰飛來，旋即火發。時多暑，僭孽火燒室之罰也。

十五年，衡州災，火延燒三四百家。郡人見物大如瓮，赤如燭，至即火發。

憲宗元和七年，鎮州甲仗庫災。時王承宗方拒天軍而兵仗災，焚。天意嫉惡也。

十一年十二月，未央宮及飛龍厩災。時王承宗、李師道謀撓用兵，陰遣盜縱火。師道又於

鄆州起宮殿欲謀僭暴既成悉災俄族滅
昭宗大順二年七月汴州相國寺佛閣災是
日微雨震電寺僧見赤物繞三門藤網中火
作良久飛越前殿入佛閣如是三日不息

洪範政鑒卷第三之下

洪範政鑒卷第四之上

火行下

常燠

京房曰祿不遂行茲謂欺厥咎燠雨雪四至而溫臣安祿樂逸茲謂亂燠而生蟲知罪不誅茲謂舒其燠夏則暑殺人冬則物華實重過不誅茲謂亡證其咎當寒而燠也

魯桓公十五年春亡冰劉向曰周春今冬也

先是連兵鄰國三戰而再敗

三戰者謂十年齊侯衛侯鄭伯

戰于郎十二年與鄭師戰于宋十三年內失紀除鄭伯齊侯宋公衛侯燕人戰也

百姓外失諸侯不敢行誅罰鄭伯突篡兄而立公與相親長養同類不明善惡之罰也董

仲舒曰象夫人姜氏不正陰失節也

成公元年二月無冰董仲舒曰時方有宣公

之喪君臣無悲哀心而炆陽作丘甲願師古

一里為井十井為通十為成方十里成

十為終終十為同同方為里同十為封封十

為畿畿方千里有稅有賦稅以足食賦以足

兵故四井為邑四邑為一兵十六井也

馬一匹牛三頭車一乘牛十二頭甲士三人

卒七十人千戈備足是謂一乘馬之法今乃

使丘北每
連常例也

劉向曰時公幼弱政舒緩所致

襄公二十八年春無冰劉向曰先是公作三
軍有侵陵用武之意鄰國不和伐其三鄙被
兵十有餘年因之以饑饉百姓怨望臣下心
離公懼而弛緩不敢行誅罰公有從楚心不
明善惡之應一曰水旱之災寒暑之變天下
皆同故曰無冰天下異也

漢武帝元狩六年冬亡冰先是比年遣大將
軍衛青霍去病攻祁連絕大幕窮追單于斬

首十餘萬級還大行慶賞遣博士褚大六人持節巡行天下存賜鰥寡假與乏困舉遺逸天下咸喜

昭帝始元二年冬亡冰時霍光秉政行寬緩欲以說下之應

草妖

京房曰臣有緩茲謂不順厥異霜殺也

商伊陟相大戊亳有祥桑穀共生乎朝七日大拱陟戒以修德而木枯劉向曰商道既衰

高宗承敵而起。盡諒陰之哀。天下應之。既獲
顯榮。怠於政事。國將危亡。故桑穀見異。桑猶
喪也。穀猶生也。殺生之秉失而在下。近草妖
也。一曰野木生朝。暴長。小人將暴。劉歆曰。野
木生朝。敗亡之異也。武丁恐駭。謀於忠賢。脩
德正事。舉傳說授以國政。故攘其祆。致百年
之壽。

魯僖公三十三年十二月。隕霜不殺草。劉歆
曰。草妖也。劉向曰。今十月。周十二月。於易五

爲天位君位九月陰氣至五通於天位其卦
爲剝剝落萬物始大殺矣明陰從陽命臣受
君令而後殺也今十月隕霜而不能殺草此
君誅不行舒緩之應也時公子顓權三桓世
官天戒若曰自此之後將皆爲叛矣文公不
寤其後遂殺子赤三家逐昭公

是冬又李梅實劉向曰十月李梅當剝落返
華實草祆也陰成陽事象臣顓威福一曰冬
當殺返生象驕臣當誅不行其罰故冬華者

象臣邪謀有端不成而至於實董仲舒曰臣
下彊之應

漢安帝元初三年有瓜異本共生一瓜同蒂
時以爲嘉瓜或曰瓜者外延離本而實女子
外屬之象時閭皇后與外親譖廢太子外迎
濟北王子犢立之草妖也

靈帝中平元年夏東郡陳留界有草生其莖
靡縈腫大如手指似鳩雀龍蛇鳥獸之形五
色毛羽頭目足翅皆具草妖也時黃巾賊起

后兄何進朱苗皆領兵封侯持國柄漢始微弱
魏武帝在洛陽起建始殿伐濯龍樹血出又
掘徙梨根傷亦血出帝惡之遂寢疾是月晏駕
文帝景元三年十月桃李華時帝深樹恩德
事崇優緩之應

吳孫亮建興元年九月桃李華時政煩賦重
人凋於役諸葛恪輔政息校官原逋責除關
梁崇寬厚此舒緩之應也

五鳳元年六月交趾稱草化為稻昔三苗將

亡五穀變種此草妖也其後亮廢

孫皓天璽元年吳郡臨平湖自開是湖漢末
穢塞一夕忽開除無草舊傳此湖塞天下擾
此湖開天下平吳尋亡

天紀三年八月建鄴有鬼目菜生工黃狗家
依緣棗樹長丈餘又蕢菜生工吳平家高四
尺如枇杷形東觀案圖名鬼目作芝草蕢菜
作平慮遂以狗為侍芝郎平為平慮郎干寶
曰明年平吳王濬止船正得平渚姓名顯然

指事之兆也黃狗者吳以土運承漢故初有黃龍之瑞及其季年有鬼目之妖託黃狗家黃稱不改而貴賤大殊天道精微之應

蜀劉禪景耀五年宮中大樹無故自折草妖也譙周曰衆而大其之會具而授若何復言曹者衆也魏者大也衆而大天下其當會也具而授如何復有立者乎蜀果亡如周言晉惠帝元康二年二月巴西郡草生花結子如麥可食時帝初即位楚王瑄矯詔誅汝南

王亮及衛瓘帝不能察此常燠寬舒之罰
穆帝永和九年十二月桃李華時簡文輔政
事弛略之應

又惠帝元康九年六月有桑生東宮西廂曰
長尺餘凡五日枯此與商太戊同妖太子不
悟故至廢戮班固稱野木生朝而暴長小人
將暴居大臣之位危國亡家之象是後孫秀
張林用事遂至大擾

永康元年五月東宮桑又生於西廂明年趙

王倫篡位。鳩殺皇太孫臧。

懷帝永嘉六年五月。無錫縣有四株茱萸樹。相樛而生。狀若連理。先是。郭璞筮延陵蠶鼠。曰。後當復有妖樹生。若瑞而非辛螫之木也。儻有此東西數百里。必有作逆者。及此木生。徐馥果亂。亦草妖也。

是年七月。豫章郡樟樹久枯。忽更榮茂。案占。即懷愍淪陷。元帝中興之應。

安帝義熙二年九月。楊武將軍營士陳蓋家。

有苦蕒菜莖高四尺六寸廣三尺二寸亦草
妖也識者曰苦蕒者買勤苦也自後歲歲征
討百姓勞苦是買苦也

義熙中宮城御道皆生蒺藜亦草妖也蒺藜
有刺不可踐天戒若曰人君不聽政雖有宮
室馳道若空廢也

後魏太武真君五年八月華林諸果花

京房
曰夏

景殺人冬
則物華

孝文承明元年九月幽州民家社樹結實旣

成一朝盡落，花葉復生，七日之中，蔚如春狀。
宣武延昌四年閏十月，京師柰樹花。

隋文帝時，上黨人宅後，每夜有人呼聲求之，
不得，但見人參一本，枝葉峻茂，掘之，根五尺，
餘，具體人狀，呼聲遂絕。蓋草妖也。視不明之，
咎。時晉王陰有奪宗之計，諂事親要，以求聲，
譽。文帝惑之，人參不當言有物，憑之。上黨與
也。親要之人，乃黨晉王而譖太子。文帝不悟，
聽邪言，廢無罪之應。

洪範政鑒卷第四之上

洪範政鑒卷第四之下

火行下

羽蟲之孽

魯昭公二十五年夏鵲來巢劉歆曰視不明聽不聰之罰劉向曰有飛有貳不言來者

氣所生所謂青也

此飛謂負鵲也其為蟲與貳短狐即今所謂水弩也

鵲鵲言來者氣所致鵲鵲夷狄所藏之禽來至中國不亢而巢陰居陽位象季氏將逐昭公去官室而居外野亢居而好水黑色為主

急之應也。天戒若曰：「既失衆，不可急暴。」急暴，陰將持節陽以逐爾，去官室而居外野矣。昭公不寤，舉兵圍季氏，爲季氏所敗，出奔死于外野。

漢景帝三年十一月有白頸烏與黑烏羣鬪。楚國呂縣白頸不勝，墮泗中死者數千。時楚王戊暴虐無道，刑辱申公，與吳王謀叛。烏羣鬪者，師戰之象也。白頸者，小明小者敗。墮於水者，將死水地。戊不寤，遂舉兵戰，敗爲越人

所斬墮死於水之效也

京房曰逆親厭妖白黑鳥闕於國專征劫

殺厭妖鳥鵲闕

昭帝元鳳元年有鳥與鵲闕燕王宮中池上

烏墮池死時燕王旦謀為不軌楚燕皆骨肉

藩臣以驕怨而謀叛俱有烏鵲闕死之祥行

同占合此天人之表也

燕一鳥闕於宮中黑者死楚以萬數闕於

野外白者死象燕陰謀未發獨王自殺於宮

一鳥水色者死楚炕陽舉兵大敗於野故衆

又昭帝時有鵜鵠或曰禿鵠集昌邑王殿下

水鳥也

王使人射殺之。劉向曰：王馳騁無度，慢侮大

臣，不恭至尊，有服妖之象。野鳥入處宮室，將

空王不寢，卒以亡。

京房曰：辟退有德，厭各狂木鳥集國中。

成帝河平元年二月，泰山山桑谷有鳶焚其

巢。

戴鷗也音錄

男子孫通聞山中羣鳥聲，往視見

巢然，盡墮地中，三鳶輒燒死。

馬子新生而哺者曰鵲

案

占泰山岱宗五嶽之長，王者易姓告代之處。

天戒若曰：勿近貪虐之人，聽其賊謀，將生焚

巢，自害其子，絕世易姓之禍。其後趙飛鸞姊

妹專寵奪害皇子也成帝晏駕昭儀自殺此

焚巢殺子之應也

京房曰人君暴虐馬焚其舍

成帝鴻嘉二年三月博士行大射禮有雉集于庭歷階登堂而雉後雉又集太常宗正丞相御史大夫大司馬車騎將軍府又集未央宮承明殿屋上時大司馬王音待詔寵等上言雉以博士行禮之日大衆聚會飛集於庭歷階登堂徑歷三公之府太常宗正典宗廟胥肉之官然後入宮雖人道相戒何以過是

帝曰聞捕得雉毛羽摧折類拘執者得無人
爲之音曰陛下繼嗣未立日日微行天見災
異感動陛下宜謀於賢知克己復禮以求天
意繼嗣可立災變可銷

綏和二年三月天水平襄鶩生爵哺食至大

俱飛去

京房曰賊臣在國厥各鶩生爵諸
侯銷一日生非其類子不嗣世

安帝延光三年二月五色鳥集濟南臺時以
爲鳳皇或曰鳳皇陽明之應故非明主則不
見凡五色鳥似鳳者多羽蟲之孽時帝信讒

言免太尉楊震廢太子不哲之異也史臣案

號鳳皇百四十九見何敞以為羽孽章帝末

翔殿屋不察也後以章帝晏駕為驗又明帝

時五色鳥羣翔殿屋賈逵以為胡降之證安

帝時羌胡外叛詭愿內興即明華之驗案樂

叶圖證鳳皆五色為瑞者一為孽者四一鵠

鵠鳩喙圓目身義戴信嬰襁膺仁負智至則

早之威二發明烏喙大頭翼大腹身仁戴

智要義膺信負禮至則喪之威三焦明長喙

疏翼國尾身義戴信嬰仁膺智負禮至則水

之威四幽昌允目小頭大身細足脰若鱗葉

身智戴信負禮膺

仁至則早之威

相帝元嘉元年十一月五色大鳥見濟陰已

氏司馬彪曰時政治衰缺梁冀秉政阿枉上

幸亳后皆羽孽之應

靈帝光和四年秋五色大鳥見于新城衆鳥隨之時靈帝不恤政事黃門專權羽孽之應中平三年八月中懷陵上有萬餘爵先極悲鳴已相關相殺皆斷頭著樹枝枳棘六年靈帝晏駕何進以寵嬖積惡欲悉糾黜而太后持疑不決進見殺因是有司盪滌後祿而尊厚者無餘也天戒若曰諸懷爵祿而尊厚者還自相害至滅亡也

魏文帝黃初四年五月鵜鵙集靈芝池史臣
曰此羽蟲之孽詩人所謂汙澤刺曹共公遠
君子近小人今豈有賢智之士處于下位其
博舉雋德茂才獨行君子以荅曹人之刺於
是楊彪管寧之徒咸見薦舉

景初元年燕生巨鵲於衛國李蓋家形若鷹
吻似燕高堂隆曰此魏室大異宜防鷹揚之
臣於蕭牆之內其後宣帝起誅曹爽遂有魏室
明帝景初元年陵霄閣始構有鵜巢其上鵜

體白黑雜色高堂隆曰詩云惟鵲有巢惟鳩
居之今興起宮室而鵲來巢此宮室未成身
不得居之象也天戒若曰宮室未成將有他
姓制御之

蜀劉禪建興九年十月江陽至江州有鳥從
江南飛渡江北不能達墮水死者千數時諸
葛亮連年動衆志吞中夏而終死渭南諸將
分爭喪師鳥北飛不能達墮水死者皆其象也
吳孫權赤烏十二年四月兩鳥銜鵲墮東館

權使朱據燎鵲巢以祭。此視聽不明之罰時。
權信讒好殺。二子將危。將相覩妖。不悟明年。
太子和廢魯王霸賜死。朱據左遷。陸議憂卒。
是其應也。東館典教之府。鵲墮東館。又天意乎。
太元二年正月。封前太子和爲南陽王。遣之。
長沙。有鵲巢。旣占者以爲。檣末傾危。非久。
安之象。後果不得其死。

孫亮建興二年十一月。大鳥五見于春申。吳。
人以爲鳳皇。明年改元五鳳。時孫峻驕暴。方。

甚

事與漢
桓時同

晉武帝泰始四年八月翟雉飛上閭闔門天
戒若曰閭闔門非雉所止猶高宗雉登鼎耳
之戒也

惠帝永康元年趙王倫得異鳥莫能名使人
持出城邑問之宮西小兒曰服留鳥持者還
白密籠鳥閉兒戶中明日覘之悉不見此羽
蟲之孽時倫既篡京師有目瘤疾言服留者
謂倫留將服其罪也倫尋誅初篡位又有鵠

入太極殿雉集東堂天戒若曰太極東堂皆朝享聽政之所而鴉雉同日集之者倫不當居此位之應也

懷帝永嘉元年二月洛陽東北步廣里地陷有蒼白二鵠出蒼者飛翔冲天白者止焉此羽蟲之孽董養曰步廣周之狄泉盟會地也白者金色國之行也蒼爲胡象其可盡言乎是後羣胡相繼亂華之應

明帝太寧三年八月大鳥二蒼黑色翼廣一

丈四尺。一集司徒府射而殺之一集市北家人舍亦獲焉。此羽蟲之孽也。來月帝晏駕遂有蘇峻祖約之叛。

成帝咸和二年正月五鵠集殿庭。時庾亮違衆將召蘇峻有言不從之咎。峻果亂焚毀宮掖化為汙萊之應。

咸康八年七月白鷺集殿屋。時康帝始即位不永之祥也。後未再昇晏駕即野鳥入處宮室將空之應。

海西公初即位野雉集相風此羽蟲之孽也
尋爲桓溫所廢

孝武太元十六年六月鵲巢太極東頭鵀尾
又巢國子學堂西頭十八年東宮始成十九
年正月鵲又巢其西門案占學堂風教所聚
西又金行之祥及孝武晏駕安帝嗣位桓靈
寶入篡風教頽靡之應

安帝義熙三年龍驤將軍朱猗戍壽陽婢炊
飯忽有羣鳥集竈盡來啄瞰驅不去獵狗咋

殺兩鳥。餘鳥共啄殺狗。又噉其肉。明年猗死。
南齊明帝建武二年。大鳥集建康。形如水獺。
是年大水。

梁武帝中大同元年。邵陵王綸在南徐州坐
聽事。野鳥如戴數百。飛屋梁上。彈射不中。俄
頃失所在。後綸爲湘東王所襲。終致奔亡。爲
魏所殺。

侯景在梁。將受九錫。備物於庭。野鳥如山。鵲
赤觜。集冊書之上。鵲鷗鳴於殿。景尋敗。爲羊

騶所殺

陳後主時蔣山有衆鳥鼓翼而鳴曰柰何帝
京房曰鳥鳴門闕如人音邑且亡蔣山吳之
望也鳥於上鳴吳邑空虛之象及陳亡建康
爲墟

陳未亡時一足鳥集殿庭以觚畫地成文曰
獨足上高臺盛草變成灰案獨足者叔寶獨
行無衆之應盛草成灰者陳政蕪穢被隋火
所焚叔寶至長安館於都水臺上高臺之義也

後齊昭帝即位。雉飛上御坐。又有鳥止後園。色赤似鴨。而九頭。其年帝晏駕。

又天統三年九月。萬春鳥集仙都苑。案占非常之鳥來宿邑中。邑有兵。後果周師入鄴之應。後主初生。有巢升胡后帳而鳴。案巢不孝之鳥。爲不祥。後主嗣位。胡后以姦事幽於北宮之應。

武成武平七年。鵲巢太極殿。又巢并州嘉陽殿。雉集晉陽宮。御坐獲之。其年國滅。

隋煬帝大業末京師宮室中常有鴻鴈類無數集其間俄而長安不守

唐太宗正觀初白鵲巢殿廷槐樹其巢合歡如膏鼓左右稱賀太宗曰吾常笑隋文好祥瑞白鵲何益命擬送於野

高宗文明後天下頻奏雌雉化為雄或半未化兼以獻之即則天臨朝之兆

調露元年突厥未叛時有鳴鵠羣飛出塞蔽野邊人曰突厥雀南飛突厥犯塞之兆至二

年正月還復北飛。至靈夏北。悉墜地死。視之
皆無頭。苗神客曰。人雖最靈。而稟生含氣。同
於萬類。故吉凶兆於彼。禍福應於此。此殆德
勝祥之應也。

德宗正元四年。汴鄭二州羣鳥皆飛入田。緒
李納境內銜木爲城。高二三尺。方十餘里。緒
納惡而焚之。信宿而復。烏口皆流血。此羽蟲
之孽。

正元十四年秋。有鳥色青。類鳩鵲。翔息於睢

陽所止之處羣鳥翼衛朝夕嚙稻梁以哺之
李翱曰此驚也

羊禍

劉向曰君不明失政則有羊禍

魯定公時季桓子穿井得土缶中得蟲若羊

缶即今之盆

近羊禍也羊者地上之物幽於土中

象定公不用孔子而聽季氏暗昧不明之應
一曰羊去野外而拘土缶者象魯君失其所
而拘於季氏季氏亦將拘於家臣也是歲季

氏家臣陽虎囚季桓子、後三年、陽虎劫公伐孟氏、兵敗出亡

晉成帝成和二年五月、司徒王導廐羊生無後足、此羊禍也、京房曰、足少者下不勝任也、

明年、蘇峻破京都、導與帝俱幽石頭之應

後魏孝文太和二十三年、肆州陽曲縣羊生羔一頭、二身、一牡一牝、三耳八足、是年帝晏駕、六輔專事

隋文帝開皇十二年六月、繁昌楊悅見雲中

二物如羝羊色黃大如新生犬鬬而墜悅獲
其一數旬失所在近羊禍也案占君不明逆
火政所致狀如新生犬者羔類也雲體掩蔽
邪佞之象羊國姓羔羊子也時皇太子勇既
升儲貳晉王陰毀被廢二羔鬬一羔墜之應也
恭帝義寧二年麟遊太守司馬武獻羊羔生
無尾議者以爲楊氏子孫無後之象是歲帝
遜位

赤青赤祥

宋平公時、有生女子、赤而毛、棄之隄下、公母
恭姬之御者見而收之、因名曰棄、長而納之
公、生子曰佐、後宋臣伊戾譏太子痤而殺之
劉向曰、時則火災赤青之明應也

京房曰、
卑不別厥

妖女生
赤毛

漢惠帝二年、天雨血於宜陽、一頃所、劉向曰
此赤青也、時諸呂用事、讒口妄行、建立非嗣
及不當立之王退、王陵、趙堯、周昌、洎呂太后
亡、大臣共誅諸呂、僵尸流血

京房曰、
解茲謂追非厥

咎天雨血。茲謂不親。民有怨心。不出三年。無其宗人。又曰。佞人祿功臣。修天雨血。又曰。天雨血。染衣。國亡。君修。

哀帝建平四年四月。山陽湖陵雨血。廣三尺。長五尺。大者如錢。小者如麻子。後二年。帝晏駕。王莽擅朝。誅貴戚。與諸呂同象。

和帝建和三年秋。七月。北地廉雨肉。似羊肋。或大如手。近赤祥也。時梁太后攝政。兄冀專權。枉誅良臣。天下冤之。其後梁氏誅。

吳伐將鄧喜殺豬祠神。治畢挂之。忽見一人。

頭往食肉喜引弓射中之咋咋作聲繞屋三

日近赤祥也後喜以謀叛被誅

京房曰山見
條江于邑邑

有兵狀如
人頭赤色

晉武帝太康五年四月魯國池水變赤如血
七年十月河陰赤雪二頃此赤祥也是後四
載帝晏駕王室遂隳

惠帝元康五年三月彭城呂縣流血東西百
餘步此赤祥也自是至元康末窮凶極暴僵
尸流血之應干寶曰後八載封雲叛此州殺

傷數萬是其應也

永康元年三月尉氏雨血是年幽愍懷太子于許宮天戒若曰不宜緩恣姦人將使太子寃死帝愚眊不寤愍懷遂斃於是王室成釁禍流天下

四年十二月丞相府斬督運令史淳于伯血逆流上柱二丈三尺此亦祥也時褚裒鎮廣陵丞相揚聲北伐伯以督運稽留及戮其息訐稱督運事無稽乏自頃運漕稽停皆不以

軍興法論僚佐莫之理自是頻旱三年干寶
曰寃氣之應也郭璞曰血者水類同屬於坎
坎爲法象水平潤下不宜逆流此政有咎失
之應

晉公孫文懿時襄平北市生肉長圍各數尺
有頭目口喙無手足而動搖此赤祥也占曰
有形不成有體不聲其國滅亡文懿尋爲魏誅
劉聰建元元年正月平陽地震崇明觀陷爲
池水赤如血赤氣至天赤龍奮迅而去流星

起于牽牛入紫微龍形委蛇光照地落于平陽北十里視之則肉臭聞于平陽長三十步廣二十七步肉旁常有哭聲晝夜不止數日聰后劉氏產一蛇一獸各害人而走尋之不得頃見於隕肉旁是時聰納劉商三女並爲后天戒若曰聰旣自稱劉姓三后又俱劉氏夫人倫之故見之及劉后沒哭聲自絕南齊明帝建武四年王晏子德元所居帷屏無故有血洒之少日晏敗

梁武帝天監十五年七月荆州市殺人而身
不僵首墮于地動口張目血如竹箭直上丈
餘然後如雨細下是歲荊州旱近赤祥冤氣
之應

陳文帝太建十四年正月御坐幄上見一物
如車輪色正赤尋而帝殞

後主至德三年十二月有赤物墮于太極殿
前初下時鍾皆鳴又嘗進白飲忽變為血有
血霑殿階漉漉然至御榻尋而國滅

後魏孝明正光元年十一月涼州西北赤氣徧天如火三年九月西北又見赤氣皆北鎮叛亂之應

莊帝永安三年十一月赤氣如霧從顯陽殿階斜屬步廊高丈許如絳紗幔自未至戌滅帝惡之終有幽暴之禍

後齊文宣河清二年太原雨血案占血者陰之精傷害之象僵尸之類明年周師入并州大戰城西伏屍百餘里亦後主亡國之應

四年三月有物隕殿庭色赤形如數斗器衆星隨者如小鈴四月婁太后喪

武成武平中有血黥地自咸陽王斛律明月宅至太廟大將社稷之臣也後主以讒言殺之天戒若曰殺明月則宗廟隨而覆矣後主不悟國絕

水沴火

晉安帝隆安二年三月龍舟二乘災此水沴火也後相靈寶篡位乘輿播越天戒若曰王

者流遷不復御龍舟故災之

梁武帝中大通元年朱雀航災此水沴火也
時帝崇尚佛道數捨身爲奴天戒若曰梁武
不遵先王之法其社稷不得血食後終亡國
及江陵敗闔城賤隸即捨身之應

洪範政鑒卷第四之下